

## 記得柑仔園香滿山野該當時

記得柑仔園香滿山野該當時

親像白色个花仔

同綠色个葉仔表演一場盡鬧熱个打採茶  
看鬧熱个人仰知香

### 一、雨水過忒

香香个味緒跔等阿公个腳跡

緊行緊大片

打著露水个花苞仔緊大緊靚  
爾有看到無？冷天時睡到擘毋開个鼻公  
俛等這淦淦香香个莊下果仔園个細路  
走追仔

緊追緊醺个係

歸屋下人在這泡茶、講古个情分

爾有追著無？

### 二、立夏黏皮跔等來

香香个味緒跔等蛹葉仔个舞姿

一下仔飄都樹頂，矚目一下

滑落白雪雪个花仔下背

爾有鼻著無？花開个聲音「啲！啲！啲！」

一瓣，又一瓣

歡歡喜喜爭相

摻大自家宣布偃擲相咧

濛煙該當時，慢慢

打開五隻白雪雪个

花瓣伸出去

幼果乜愛準備跳舞咧

相借問：「爾有伴無？」

### 三、划寒露時節

香香个味緒跔等月娘个紅線

纏上去 繞下來

纏到歸大片

一儕～一儕个雌蕊

爾有摸到無？黃紅黃紅个佢

燒風吹來蜂仔

用腳盤起佢摺雄蕊个 燒癸癸个緣分

拉來一隻隻柑仔紅个時節

送來還那甜香个果子味

### 四、大寒過後

香香个味緒跔等東北風个線路

滿山野个香味緒緊深緊遠

去到隔壁莊

邀請細阿哥跔等來

打開心窗

看一下深藍个天空

攞等日頭來唱山歌

唱到打个果子緊來緊大

緊來緊靚个柑仔香～香～香～

好年冬个今年

記得柑仔園香滿山野該當時

正手責一隻火燒柑

左手擲一隻大桶柑

笑咪咪个阿公行當遽

愛摺大自家宣布

一代一代傳下去个恩情

係老祖先傳下來个香味緒



### 作者感言

#### 陳子祺

阿公个後花園種盡多个果子，季節到个時節，該種花斯開咧，盡香！恁到恁樣个情景，仰般斯愛用文字記下來，一種抹毋去个童年記憶。客家詩總係愛輕輕柔柔，樣像偲俚客家細妹仔个情分。感恩大自家，分愛有寫下去个感覺。